

02. oktober 2019

UKA2019/223

UPA2019-imut malittarisassat atuutsinnerini ersarinnerusumik aammalu aalajangersimanagerunissamik Namminersorlutik Oqartussat pigisaanni taamatullu suliffeqarfanni pigisat ilaanniittuni siulersuisunik ilaasortaataqartuni akissarsitinneqartarnerat pillugu politikkikkut malittarisassanik aaqqissuussinermi Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Partii Naleqqamit Inatsisartunut ilaasortaataitai)

Partii Naleqqap Inatsisartunut ilaasortaataitaasa, Namminersorlutik oqartussat suliffeqarfiutaasa ilaanakortumik tamakkiisumilluunniit piginneqataafigisaanni siulersuisuunerit akissarsitinneqartarnerinut tunngatillugu aalajangiiffigisassatut siunnersuutaannut, Siumumiit qutsavigaagut imaattunillu oqaaseqarfigissavagut.

Naalakkersuisut akissutiminni tunngavilersuutigaat malittarisassat ujartroneqartut pigineqareersut, aammalu aammanerunissamik ujartrisoqarneranut tamanna periarfissaareersoq aamma Naalakkersuisunit erseqqissaasutigineqarpoq.

Siumumiit malittarisassanut tunngasut Naalakkersuisut siulittaasuanit oqaatigineqartut naammagisimaarpagut, taamaatorli ingerlatseqatigiiffiit Namminersorlutik oqartussanit ilaannakortumik tamakkiisumillu pigineqartut siulersorneqarneranni Nunatsinneersunik avammullu Nunarsuarmioqatitsinut niuernissamik ilisimasalinnik aammalu iliniarsimasunik ingerlanneqalernissaat Naalakkersuisut sulissutigissagaat Siumumiit piumasaraarput.

Namminersorlutik oqartussat suliffeqarfiutaasa imminnut assingusut kattutsinneqarnissaat siunertaralugu Naalakkersuisut Siumumiit sulissuteqaqquagut, aammalu ingerlateqatigiiffiit ingerlanneqarnerat Nunatsinniit ingerlanneqarnissaat, soorlu RG-kutut ittut il.il.

Nunarsuarmioqataaansinnullu Nunatsinni ingerlateqatigiiffiutigit toqqaannartumik Nunasuattinni niuerqateqalernissaat anguniartariaqarparput, pisuussutigut avammut niuverutigut naleqarnerpaaffiat angusinnaaqqullugu, aammalu avatitsinnit eqqussuutagut akikinnerulersinnaaqqullugit, pisariaqanngitsumik Nunatsinniit Nunatinnullu niuernitsinni akunnermiliuttut salliutinngagit aammalu akittorsaatiginagit.

Taamatut oqaaseqarluta aalajangiiffigisassatut siunnersuut Siumumiit tapersinngilarput.

Qujanaq

Henrik Fleischer, Siumut